

Aktuelnosti:

1. Održan seminar na temu „Izrada legislative i provedbenih akata“
2. Radna posjeta palestinske delegacije Savezu
3. Predstavljena finalna verzija akcionog plana energetski održivog razvoja za Grad Sarajevo
4. Općina Bihać uspješno okončala Projekt „Giljotina propisa“
5. 15. Sjednica Predsjedništva Saveza
6. Održan sastanak predstavnika Saveza sa FMF
7. Izabrani načelnici općina Ilidža i Sanski Most
8. Održana Druga konsultativna konferencija na temu: Funkcionisanje sistema uprave i status zaposlenih u organima uprave u FBiH – normativni okvir“
9. Potpisan ugovor o zajedničkom finansiranju poslova premjera i katastra za područje Općine Goražde
10. GAUSS u 13 općina implementirao rješenje za izdavanje dozvola
11. Održan okrugli stol na temu: „Infrastruktura prostornih podataka“
12. Tuzla – prva općina u BiH koja prati potrošnju energije
13. U Srebreniku otvorena najsavremenija fabrika za reciklažu otpada
14. Predstavljen nastavak Projekta „EU lokalizacija“
15. Hrvati i bosanci turizmom ruše granice

GLEDAJTE svake druge subote u 13:30 sati na Hayat TV – “Moje dvorište” dokumentarno informativnu emisiju o lokalnoj samoupravi.

Repriza je utorkom u 14:15

Sve emisije iz serijala „Moje dvorište“ možete pogledati na web stranici Saveza

www.sogfbih.ba

Zadnju emisiju možete pogledati **OVDJE**



ODRŽAN SEMINAR NA TEMU „IZRADA LEGISLATIVE I PROVEDBENIH AKATA“



U Sarajevu je 29. i 30. juna/lipnja održan dvodnevni seminar na temu „Izrada legislative i provedbenih akata“. Ovaj seminar organizovan je u okviru realizacije aktivnosti na projektu „Jačanje kapaciteta saveza općina i gradova u Bosni i Hercegovini“ koji implementira Međunarodna kooperativna agencija asocijacije holandskih općina VNG-International, u saradnji sa Savezom općina i gradova Federacije Bosne i Hercegovine i Savezom opština i gradova Republike Srpske a finansiran je od strane Švedske međunarodne agencije za razvojnu saradnju - Sida. Seminar je pripremio i vodio gospodin Mensur Hadžimusić, pomoćnik direktora Ureda Vlade Federacije Bosne i Hercegovine za zakonodavstvo i usklađenost sa propisima Evropske unije, a istom su prisustvovali uposlenici Stručne službe Saveza općina i gradova Federacije Bosne i Hercegovine i partneri iz općina članica Saveza. Učesnici seminara su se upoznali sa postupkom i tehnikom kod izrade zakonskih

16. Panel diskusije za novinare: „Kako izvještavati iz lokalnih zajednica“
17. Održana zajednička sjednica dvije komisije Saveza
18. Uspješno završena obuka za 12 općina u BiH
19. Usvojena inicijativa Saveza za izuzimanje općina i gradova iz Zakona o fiskalnim sistemima
20. Održan 11. Sastanak Projektnog odbora ILDP-a i završna ceremonija za partnere
21. Sastanak u vezi početka aktivnosti na uvođenju trezora u Općini Kakanj
22. Javni poziv općinama za podnošenje prijave za učešće u programu „Lokaliziranje gendera u FBiH“
23. NAJAVA obilježavanja Dana općina

Poštovani članovi i čitaoci,

Kao i do sada, obavještavamo Vas o unutrašnjoj i vanjskoj komunikaciji i razmjeni najboljih iskustava i praksi kao i o različitim obukama koje mogu doprinijeti kadrovskom jačanju općinskih službenika.

Putem ovog biltena se možete informirati i o drugim dešavanjima u proteklom periodu kao što su konferencije, seminari, okrugli stolovi a koji mogu doprinijeti unapređenju sistema lokalne uprave.

Ukoliko želite da se prijavite za primanje ovog biltena možete to učiniti tako što ćete poslati e-mail na sljedeću adresu: dino@sogfbih.ba

Molimo vas da ovaj elektronski bilten proslijedite svim zainteresiranim u vašoj i susjednim općinama.

Ukoliko želite da objavite neke od vaših novosti, iskoristite elektronski

propisa, amandmana na zakone, te podzakonskih, odnosno provedbenih akata. Također je predstavljen postupak izrade i pravna tehnika kod donošenja općih akata. Važno je istaći da je seminar od strane učesnika ocijenjen kao veoma koristan.

RADNA POSJETA PALESTINSKE DELEGACIJE SAVEZU OPĆINA I GRADOVA FEDERACIJE BIH



SARAJEVO, 29. juni/lipanj – Danas je, u radnoj posjeti Savezu općina i gradova Federacije Bosne i Hercegovine, boravila delegacija Ministarstva za lokalnu samoupravu Palestine.

Osmočlana delegacija, koju je predvodio gđin Abdulkadir Sedir, zamjenik ministra, željela je da se bliže upozna sa ustrojem sistema lokalne samouprave u Bosni i Hercegovini, kao i sa organizacijom i radom Saveza.

Gđa Zlata Turkić i gđin Edin Demirović predstavili su teritorijalno-politički sistem u kojem djeluje BiH i FBiH, kao i ovlasti i ulogu Saveza općina i gradova. Tom prilikom su istaknute ovlasti koje Savezu daje Zakon o principima lokalne samouprave u Federaciji BiH. Ovom prilikom su prezentirane organizacija Saveza i aktivnosti koje Savez čini na unapređenju lokalne samouprave u FBiH.

Palestinsku delegaciju je najviše interesovao način na koji se finansiraju jedinice lokalne samouprave u BiH i kakva je uloga Saveza u zaštiti i promoviranju njihovih interesa.

Nakon posjete Savezu, delegacija iz Palestine je planirala posjetiti načelnika Općine Zenica, Husejina Smajlovića.

PREDSTAVLJENA FINALNA VERZIJA AKCIONOG PLANA ENERGETSKI ODRŽIVOG RAZVOJA ZA GRAD SARAJEVO

SARAJEVO, 29. juni/lipanj – U Sarajevu je danas predstavljena finalna verzija Akcionog plana energetske održivosti razvoja Grada Sarajeva (SEAP), čiji je osnovni cilj smanjiti emisiju ugljendioksida (CO₂) iz svih sektora za više od 20 posto do 2020. godine provođenjem mjera energetske efikasnosti, korištenjem obnovljivih izvora energije, upravljanjem potrošnjom i edukacijom. Ovo predstavlja zajednički projekat Grada Sarajeva i Kantona Sarajeva (KS).

bilten Saveza, koji je brz, efikasan i jeftin način komuniciranja sa javnošću.

Sa zadovoljstvom očekujemo vaše komentare, sugestije i primjedbe.

Kontaktirajte nas

Telefoni:

033/ 216 502, 033/ 552 812

Fax: 033/552 810, 033/ 552 811

<http://www.sogfbih.ba>

<http://www.partnerstvogradova.ba/>

<http://www.nexpo.nalas.eu>

e-mail: dino@sogfbih.ba

NAŠ CILJ je informirati vas o seminarima, treninzima, konferencijama i drugim aktivnostima, koji unapređuju lokalnu upravu i kadrovsko jačanje zaposlenih u vašim općinama.

KORISNI LINKOVI ZA PREDPRISTUPNE FONDove:

<http://www.southeast-europe.net/en/>

<http://www.adriaticipacbc.org/>

<http://www.interregadriatico.it/index1.html>

<http://www.europa.ba/>

<http://www.cbib->

Grad Sarajevo jedan od potpisnika Povelje gradonačelnika (Covenant of Mayors), čime se pridružio regionalnom projektu "Jačanje kapaciteta za upravljanje energijom u gradovima – Inicijativa glavnih gradova (CCI)". Potpisivanjem ove Povelje, Grad Sarajevo se obavezao na evropsku direktivu prema kojoj sve zemlje do 2020. godine moraju imati 20 posto manje energije iz neobnovljivih izvora uz energetske efikasnost, koja znači postizanje istih kvaliteta u proizvodima i uslugama sa manjim korištenjem energije.



Voditeljica odjela za internacionalne razvojne projekte Regionalne energetske agencije sjeverozapadne Hrvatske (REGEA) Vesna Kolega istakla je da iz potpisivanja Povelje proizilazi obaveza Grada Sarajevo da pripremi akcioni plan energetske održivog razvoja. "Identifikovali smo 39 mjera za segmente građevinarstva, saobraćaja i javne rasvjete. Osnovni cilj je da implementacijom tih mjera do 2020. godine smanjimo emisiju CO2 za više od 20 posto. Postoje mjere koje proizilaze iz nacionalne legislative, dakle ono što se mora poštovati, te opšte planske mjere, koje su ugrađene u urbanistički plan razvitka grada, kao i mjere koje se tiču saobraćaja, građevine i druge", dodajući da su za svaku mjeru date procjene investicije i koliko će energije biti uštedeno, a samim tim, smanjena emisija CO2. Ministar saobraćaja KS Haris Lulić kazao je da se u ovaj projekat krenulo prije dvije godine, kada infrastruktura kada je u pitanju energetska efikasnost u KS nije bila razvijena. „Evropska komisija će putem svojih revizora pratiti faze implementacije svih mjera. Ovo ne smije ostati mrtvo slova na papiru i moramo se potruditi da mjere predložene akcionim planom budu provedene". Kao jednu od mjera za smanjenje emisije CO2, Lulić je naveo uvođenje prirodnog gasa u vozila gradskog prevoza, posebno u užoj gradskoj zoni. "Koliko su te mjere provodljive, vidjećemo u prvoj fazi. Biće mnogo opstrukcija, ali dugogodišnja praksa evropskih zemalja nam pokazuje da je to moguće ostvariti". Projekat će biti finansiran iz budžeta Grada Sarajevo i KS, te iz pretpriprustupnih fondova Evropske unije.

OPĆINA BIHAĆ USPJEŠNO OKONČALA PROJEKT „GILJOTINA PROPISA“



BIHAĆ, 29. juni/lipanj – Općina Bihać je, prije predviđenog roka od godinu dana, uspješno okončala Projekt regulatorne reforme, koji provodi u saradnji s Međunarodnom finansijskom korporacijom (IFC), članicom grupacije Svjetske banke. Ukupna vrijednost projekta je 130.800 KM, a sredstva neophodna za njegovu realizaciju osigurali su Međunarodna finansijska korporacija (IFC), Odjel za međunarodni razvoj

eu.org/en/welcome/index.html

<http://www.cbc.bih-mne.org/>

<http://www.srb-bih.org/>

<http://www.cbc-cro-bih.net/>

<http://www.programmmed.eu/>

<http://www.tacso.org/>

<http://www.euroinfocentar.ba/>

<http://www.balkanfund.org/>

<http://eurelsmmed.com/>

http://eacea.ec.europa.eu/index_en.php

vlade Velike Britanije i Općina Bihać.

Njime su već ostvareni pozitivni efekti, koji se ogledaju u pojednostavljivanju i unapređenju administrativnih postupaka za privredne subjekte i građanstvo na nivou općine.

Dodao je da se ovaj projekt u BiH provodi već tri godine, a za to vrijeme uspješno ga je okončalo 13 općina, od čega šest u Federaciji BiH. U naredne tri godine planira se novi projekt kao nastavak ovoga, a u koji bi bio uključen veći broj općina u BiH, ali i kantonalni nivo vlasti.

Prema predviđanjima uštede koje će se ostvariti primjenom ovog projekta u Općini Bihać na godišnjem nivou su oko osam miliona maraka.

Giljotina propisa jedan je od vidova regulatorne reforme, kojim se eliminišu ili unapređuju svi elementi administrativnih postupaka koji su nepotrebni, nepovoljni i nelegalni za poslovanje. Time je sa 174, broj postupaka u Općini Bihać smanjen na 159.

ODRŽANA PETNAESTA SJEDNICA PREDSJEDNIŠTVA SKUPŠTINE SAVEZA OPĆINA I GRADOVA FEDERACIJE BOSNE I HERCEGOVINE



U Hadžićima je danas, 28. juna/lipnja održana 15. sjednica Predsjedništva Skupštine Saveza općina i gradova Federacije Bosne i Hercegovine.

Na sjednici je, u skladu sa Statutom Saveza izvršena rotacija na poziciji predsjednika Saveza, tako da je tu dužnost od načelnika Općine Zenica, Husejina Smajlovića preuzeo Vlado Alilović, načelnik Općine Vitez. On će tu funkciju obavljati do izbora novog saziva Predsjedništva Saveza, a nakon održanih lokalnih izbora iduće godine.

Predsjedništvo je razmatralo izvještaj sa zajedničke sjednice dviju komisija Saveza – Komisije za ustavna i zakonodavna pitanja i Komisije za ekonomski razvoj općina i gradova i finansije održane 21. juna/lipnja, a u vezi sa većim brojem inicijativa koje su pristigle iz općina i tiču se izmjene zakonske regulative.

U okviru ove tačke razmatrana je inicijativa za izmjenu propisa iz oblasti ugostiteljstva i turizma kojom se traži izmjena Zakona o ugostiteljskoj djelatnosti u smislu da se propiše mogućnost obavljanja ugostiteljske djelatnosti kao dopunskog zanimanja, kao i potrebi donošenja podzakonskih akata kojim bi se uredila

kategorija „seljačkog domaćinstva“ u objektima bez dodatnih preuređenja.

Takođe, razmatran je prijedlog za izmjenu propisa iz oblasti poduzetništva i obrta i prijedlog za izradu Uredbe o načinu prikupljanja sredstava po ostalim načinima finansiranja zaštite i spašavanja od prirodnih i drugih nesreća, kao i inicijativa Udruženja pravobranilaca/pravobranitelja FBiH za izradu elaborata o stanju nekretnina u FBiH.

Sve navedene inicijative su jednoglasno usvojene, te je zaključeno da se iste upute nadležnim tijelima na daljnje postupanje.

Također, Predsjedništvo je informisano o rezultatima druge konsultativne konferencije na temu: „Funkcionisanje sistema uprave i status zaposlenih u organima uprave u Federaciji BiH“, kao i o zaključcima radne grupe koja je razmatrala Zakon o zaposlenicima u organima jedinica lokalne samouprave o čijim će se zaključcima Predsjedništvo Saveza izjasniti u narednih sedam dana.

U nastavku sjednice Predsjedništvo je informisano i o tekućim aktivnostima na projektu „Jačanje kapaciteta saveza općina i gradova u Bosni i Hercegovini“, a koje se između ostalog odnose i na određivanje prioriteta Saveza za lobiranje i zastupanje u narednom periodu.

Gđa Elvira Imširović-Bolić iz Stručne službe Saveza upoznala je članove Predsjedništva da će se u prvoj polovini narednog mjeseca održati sastanak Koordinacionog tijela Saveza općina i gradova FBiH i Saveza opština i gradova RS na kojem će se raspravljati o pitanjima od zajedničkog interesa.

Na sjednici, članovi Predsjedništva su detaljno upoznati i o nizu drugih aktivnosti koje je Savez poduzeo u proteklom periodu, a tiču se izmjene zakonske regulative koja se odnosi na jedinice lokalne samouprave.

Na kraju sjednice Predsjedništvo je usvojilo prijedlog da se 6. Skupština Saveza održi početkom mjeseca oktobra/listopada ove godine.

ODRŽAN SASTANAK PREDSTAVNIKA SAVEZA SA FEDERALNIM MINISTARSTVOM FINANSIJA

SARAJEVO, 28. juni/lipanj – U Sarajevu je dana 27.06.2011. godine održan sastanak u Federalnom ministarstvu finansija između predstavnika Stručne službe Saveza općina i gradova FBiH i pomoćnika ministra u Sektoru za upravljanje dugom, Samira Bakića i pomoćnika ministra u Sektoru za poreznu politiku i javne prihode, Hajrudina Hadžimehanovića.

Teme razgovora bile su vezane za aktuelnu zakonsku regulativu iz oblasti javnih finansija od važnosti za lokalnu samoupravu, kao i dosadašnja i buduća saradnja Federalnog ministarstva finansija i Saveza općina i gradova FBiH.

Gospođa Travljanin istakla je važnost saradnje između ove dvije institucije, kako na tehničkom nivou, tako i na političkom. Dosadašnja saradnja ocijenjena je kao dobra, ali je takođe konstatovano da je istu potrebno dalje unaprijediti.

Gospodin Hadžimehanović je istakao da je potreno da svi zakoni još u ranoj fazi izrade budu razmatrani od strane Predsjedništva Saveza i njegovih radnih tijela.

Planirano je da će se u budućnosti posebna pažnja posvetiti prikupljanju podataka o prihodima jedinica lokalne samouprave i da će se prikupljene informacije razmjenjivati radi njihove analize i što kvalitetnije saradnje.

Takođe su tematizirane planirane izmjene Zakona o dugu, zaduživanju i garancijama, te izvještavanje općina prema Federalnom ministarstvu finansija iz ove oblasti.

IZABRANI NAČELNICI OPĆINA ILIDŽA I SANSKI MOST

SARAJEVO, 27. juni/lipanj – Na prijevremenim izborima za načelnika Općine Ilidža prema preliminarnim podacima Centralne izborne komisije najviše glasova osvojio je kandidat Stranke demokratske akcije (SDA) **Senaid Memić**, 5.447 glasova ili 36,79 posto, dok je u Općini Sanski Most pobjednik jedini kandidat **Mustafa Avdagić**, također iz SDA.

Prijevremeni izbori za načelnike općina Ilidža i Sanski Most koji su održani 26. juna/lipnja protekli su bez problema.

U Općini Ilidža od ukupnog broja glasača, 54.991 na izbore je izašlo 15.342 birača ili 27,90%, dok je u Općini Sanski Most od 31.099 na izbore izašlo 6.563 birača ili 21,10%.

Prve preliminarne rezultate Centralna izborna komisija je objavila sinoć u 22:30 sata. Prema njima za mjesto načelnika Općine Ilidža najviše glasova je dobio Senaid Memić, 5.447 ili 36,79%, dok je za načelnika Općine Sanski Most izabran Mustafa Avdagić koji je bio i jedini kandidat na izborima.

Za više informacija pogledajte na www.izbori.ba

ODRŽANA DRUGA KONSULTATIVNA KONFERENCIJA NA TEMU: „FUNKCIONISANJE SISTEMA UPRAVE I STATUS ZAPOSLENIH U ORGANIMA UPRAVE U FBIH – NORMATIVNI OKVIR“



SARAJEVO, 27. juni/lipanj – U organizaciji Federalnog ministarstva pravde i Agencije za državnu službu Federacije Bosne i Hercegovine, a u saradnji sa Savezom općina i gradova Federacije BiH i uz finansijsku podršku OSCE-a, 22. i 23. juna/lipnja u Sarajevu održana je Druga konsultativna konferencija na temu: „Funkcionisanje sistema uprave i status zaposlenih u organima uprave u Federaciji BH – normativni okvir“.

Na Konferenciji je učešće uzelo preko 50 učesnika, predstavnika Federalne, kantonalne i lokalne vlasti, Saveza općina i gradova FBiH te Sindikata državnih službenika i namještenika u organima državne službe, sudskoj vlasti i javnim

ustanovama u FBiH. Među učesnicima su bili i predstavnici međunarodnih organizacija OSCE-a, UNDP-a, EU Delegacije u BiH i Projekta upravne odgovornosti GAP-a 2.

Na konferenciji su razmatrani nacrti tri teksta zakona i to: Zakon o zaposlenicima u organima jedinica lokalne samouprave, Zakon o državnim službenicima i namještenicima u organima državne službe u Federaciji Bosne i Hercegovine i model kantonalnog zakona o državnim službenicima i namještenicima.

U uvodnom dijelu konferencije, skupu su se obratili Zoran Mikulić, federalni ministar pravde i Richard Williams, direktor HDD misije OSCE-a u BiH.

Ministar Mikulić je posebno naglasio važnost reforme javne uprave.

Apostrofirao je potrebu izbjegavanja fragmentiranosti državne službe, a promatrano u svjetlu presude Ustavnoga suda FBiH kojom se primjena Zakona o državnoj službi reducira samo na federalna tijela vlasti. Potcrtao je da državna služba mora funkcionirati po unificiranim rješenjima te se iz tog razloga pokušava iznaći normativni okvir u kojemu će kretati rješenja nižih nivoa vlasti za ovu oblast u odnosu na Federaciju BiH.

Predstavnik Misije OSCE-a Richard Williams iskazao je podršku svim akterima vlasti koji rade na reformi javne uprave, a njegovo prisustvo i obraćanje sudionicima skupa najbolji je pokazatelj iskrene pomoći domaćim tijelima vlasti u iznimno teškom i kompliciranom poslu reforme javne uprave.

Nakon toga su uslijedile prezentacije Seada Masle, direktora Agencije za državnu službu FBiH i Ivana Matešića, pomoćnika ministra za upravu u Federalnom ministarstvu pravde.

Zatim je Vlado Alilović, zamjenik predsjednika Predsjedništva Skupštine Saveza i načelnik Općine Vitez, ukratko prezentirao aktivnosti Saveza u proteklom periodu, a u vezi sa Zakonom o zaposlenicima u organima jedinica lokalne samouprave.

Svoja viđenja i presjek aktualnoga stanja u javnoj upravi prvoga dana skupa iznijeli su i predstavnici kantonalnih tijela vlasti odnosno dužnosnici iz kantonalnih ministarstava pravosuđa.

Nakon toga učesnici su uzeli aktivno učešće u otvorenoj diskusiji i davali komentare i sugestije na ponuđene nacрте zakona kroz rad tri radne grupe.

Na kraju dvodnevne konferencije učesnici su jednoglasno usvojili sljedeće zaključke:

1. Učesnici konferencije su u potpunosti podržali aktivnosti koordinacije koje je Federalni ministar pravde, g-din Zoran Mikulić, inicirao sa kantonalnim ministrima
2. Dogovoreno je da se sve primjedbe i prijedloge na nacрте zakona dostave Federalnom ministarstvu pravde do 15.09.2011. godine
3. Dogovoreno je da se održi jedinstveni status državnih službenika i namještenika na svim nivoima vlasti u Federaciji ostvarujući jedinstvo procedura i kriterija za prijem u državnu službu, jedinstvo planova i programa za obuku državnih službenika i namještenika, jedinstvenu politiku upravljanja ljudskim resursima i jedinstveni registar državnih službenika i namještenika
4. Zadužuju se kantonalni predstavnici da u roku od mjesec dana upoznaju svoje



vlade o zaključcima i preporukama ove konferencije

5. Status uposlenika u jedinicama lokalne samouprave mora biti jedinstven, bez obzira u kom se kantonu lokalna jedinica nalazi

6. Dijalog i saradnja svih zainteresiranih strana u pronalaženju optimalnih rješenja u sistemu državne službe mora biti nastavljen.

Ispred Saveza konferenciji su prisustvovali: Vlado Alilović, zamjenik predsjednika Predsjedništva Skupštine Saveza, Rasim Omerović, član Predsjedništva Skupštine Saveza, Vesna Travljanin, direktor Saveza, Predrag Šupljeglav, član Radne grupe Saveza, Hamdija Ljubijankić, član Radne grupe Saveza i Elvira Imširović-Bolić, Stručna služba Saveza.

POTPISAN UGOVOR O ZAJEDNIČKOM FINANSIRANJU POSLOVA PREMJERA I KATASTRA ZA PODRUČJE OPĆINE GORAŽDE



Načelnik Općine Goražde Muhamed Ramović i direktor Federalne uprave za geodetske i imovinsko-pravne poslove Željko Obradović potpisali su 15.06.2011. godine Ugovor o zajedničkom financiranju poslova premjera i katastra nekretnina za područje općine Goražde. Predmet ugovora je zajedničko financiranje obnove geodetske mreže katastarskih područja Berič, Bučje, Goražde I, Goražde II, Novakovići, Oglečeva i Podhranjen na kojima se namjerava provesti preambulacija. Vrijednost ugovora je 40.000 KM, a strane su se obvezale da će poslove premjera i katastra nekretnina sufinancirati s 50%. Rok za završetak planiranih radova je 1.12.2011. godine.

GAUSS U 13 OPĆINA IMPLEMENTIRAO RJEŠENJE ZA IZDAVANJE DOZVOLA

GAUSS d.o.o. Tuzla je kompanija kojoj je osnovna djelatnost implementacija geoinformatičkih rješenja i prisutna je na regionalnom tržištu preko deset godina. Kompanija GAUSS je odabrana

kao partner da isporuči, instalira i održava sistem za izdavanje saglasnosti i legalizaciju u 13 općina (Bužim, Bosansko Grahovo, Drvar, Srbac, Velika Kladuša, Ljubuški, Nevesinje, Trebinje, Breza, Goražde, Rogatica, Vogošća i Rudo) u BiH.

U okviru ovog projekta Gauss je implementirao vlastito web rješenje UrbanPlanner, namijenjeno za automatizaciju aktivnosti općinskih službi za prostorno planiranje i urbanizam. Cilj ove aplikacije jeste da se ubrza i olakša često veoma složen i dugotrajan proces izdavanja različitih saglasnosti. Ova aplikacija omogućava logičan radni tok od zaprimanja zahtjeva, praćenja promjena statusa predmeta, izdavanja rješenja ili odbijanja zahtjeva, do arhiviranja predmeta, uz kompletnu istoriju svih promjena.

Ovaj projekat je naručen od Chemonics International Inc. koji implementira



projekat upravne odgovornosti (GAP), a finansiran je od strane U.S. Agency for International Development (USAID), the Swedish International Development Co-operation Agency (SIDA), and the Embassy of the Kingdom of the Netherlands.

ODRŽAN OKRUGLI STOL NA TEMU: „INFRASTRUKTURA PROSTORNIH PODATAKA“

SARAJEVO, 24. juni/lipanj – U organizaciji Federalne uprave za geodetske i imovinsko-pravne poslove i Federalnog ministarstva za prostorno uređenje u Sarajevu, u hotelu „Sarajevo“, 21.06.2011. godine održan je okrugli sto na temu: „Infrastruktura prostornih podataka u Federaciji BiH“.

Naime, Vlada Federacije BiH je na prijedlog Federalnog ministarstva prostornog uređenja i Federalne uprave za geodetske i imovinsko-pravne poslove usvojila Informaciju o infrastrukturi prostornih podataka u Federaciji BiH nakon čega ih je zaključkom obavezala da održe okrugli sto na ovu temu.

Na ovaj okrugli sto pozvani su predstavnici: Federalnog ministarstva za prostorno uređenje, Federalnog zavoda za statistiku, Federalne uprave za geodetske i imovinsko-pravne poslove, kantonalnih ministarstava za prostorno uređenje, kantonalnih uprava za geodetske i imovinsko-pravne poslove, Saveza općina i gradova Federacije BiH, Ministarstva prostornog uređenja Republike Srpske, Geodetske uprave Republike Srpske, a pozvani su i predstavnici susjednih zemalja, i to Državne geodetske uprave Republike Hrvatske, Geodetskog zavoda Srbije, kao i predstavnici Republike Slovenije.

Pomoćnica ministra u Federalnom ministarstvu prostornog uređenja Hanka Mušibegović je prezentirala „Uspostavu jedinstvenog informacionog sistema u Federaciji Bosne i Hercegovine“, a direktor Federalne uprave za geodetske i imovinsko-pravne poslove Željko Obradović „NSDI i INSPIRE – izazovi za zemljišnu administraciju u Federaciji Bosne i Hercegovine“.

Nakon toga je direktor Norveške geodetske uprave Helge Onsrud prezentirao „Iskustva Norveške i skandinavskih zemalja u infrastrukturi prostornih podataka i primjene INSPIRE direktiva EU“, a direktor Državne geodetske uprave Republike Hrvatske Željko Bačić „Evropska, regionalna i iskustva Republike Hrvatske u NSDI i INSPIRE“.

Nakon rasprave, usvojeni su slijedeći zaključci:

- Infrastruktura prostornih podataka (IPP) je prepoznata kao potreba u izgradnji integriranog sistema prostornih podataka i osnovica ukupnog ekonomskog društvenog razvoja FBiH
- Neophodno je raditi na stvaranju pozitivnog zakonskog



okvira za uspostavu IPP u skladu sa INSPIRE direktivom i internacionalnim standardima

- Razmotriti način uspostave IPP u regiji i Evropi i mogućnosti preuzimanja pozitivnih iskustava kroz međunarodnu saradnju
- Uspostaviti mehanizme saradnje između nadležnih institucija u FBiH (nosilaca tematskih područja) radi postizanja interoperabilnosti podataka
- Pratiti progres uspostave IPPFBiH
- Kontinuirano raditi na informiranju javnosti o značaju IPP za razvoj BiH
- Pružiti adekvatnu podršku educiranju kadrova i akademskoj zajednici koji rade na uspostavi IPP

Ispred Saveza konferenciji su prisustvovali: Hazbo Ličina, predsjednik Radne grupe Saveza za izradu Zakona o premjeru i katastru nekretnina i Elvira Imširović-Bolić, Stručna služba Saveza.

TUZLA – PRVA OPĆINA U BIH KOJA PRATI POTROŠNJU ENERGIJE



Memorandum o razumijevanju između općine Tuzla i UNDP-a BiH, kojim je definisana daljnja saradnja između ove dvije institucije, kao i načini na koje će UNDP pomoći u jačanju energetske učinkovitosti u općini Tuzla uz pomoć donacije računarske aplikacije EMIS (Energy Management Information System), potpisan je u srijedu, 22. juna/lipnja. Memorandum su potpisali koordinator

UNDP Programa energija i okoliš, Igor Palandžić i gradonačelnik Tuzle, Jasmin Imamović.

Sistematsko upravljanje energijom podrazumijeva strateško planiranje energetike i održivo upravljanje energetskim resursima. Jedan od načina da se uveća i energetska učinkovitosti je svakako korištenje EMIS aplikacije.

Energy Management Information System - EMIS je internet aplikacija za nadzor i analizu potrošnje energije i vode u zgradama javnog sektora, te predstavlja neizbježan alat za sistematsko upravljanje energijom. Sam program je razvio ured Razvojnog programa Ujedinjenih nacija u Hrvatskoj, dok je u razvoj aplikacije uloženo preko 500.000 USD u vremenskom periodu od 4 godine.

Tokom potpisivanja Memoranduma, načelnik općine Tuzla, iskazao je posebno zadovoljstvo što će općina Tuzla, koristeći se EMIS aplikacijom, biti prva u BiH koja će pratiti potrošnju energije, i što će kroz saradnju sa UNDP-om dobiti koristan alat, koji će pomoći Tuzli da postane zeleniji grad.

Palandžić je također istakao, da će uz pomoć informacija dobijenih kroz EMIS analize, stručnjaci odgovorni za upravljanje energijom moći pronaći potrebna rješenja povećavajući energetska učinkovitost, omogućavajući finansijske uštede u budžetima lokalnih zajednica, koje u nekim slučajevima mogu dostići i 10 % godišnjeg budžeta.

Inače, oblast energetske učinkovitosti zauzima visoko mjesto na listi prioriteta Evropske unije i Bosna i Hercegovina, kao potencijalna zemlja članica Evropske Unije, je dužna uskladiti veliki broj pravnih akata i aktivnosti kako bi bila u stanju da ispunji svoje obaveze na putu ka pridruživanju EU. U tom svjetlu, korištenje aplikacija poput EMISa, može biti jedan od važnih koraka ka zelenijoj i energetski

U SREBRENIKU OTVORENA NAJSAVREMENIJA FABRIKA ZA RECIKLAŽU OTPADA

SREBRENİK, 24. juni/lipanj – U Špionici kod Srebrenika, firma "OS Petrol" d.o.o. Srebrenik početkom sedmice je svečano otvorila najsavremeniju fabriku za reciklažu otpada, do sada najveću ove vrste u BiH, koja će za općinu Srebrenik, ali i za cijelu BiH imati višestruki značaj. Fabrika ima kapacitet za recikliranje 100 tona dnevno, odnosno jednu petinu ukupnog otpada na području TK-a, a reciklirat će automobilske i kamionske gume, frižidere, elektronski otpad i goriva dobijena od sekundarnih sirovina, filtere za ulje, i sl.



Izuzev toga što će zaposliti više od 50 radnika i ostvarivati godišnji promet od blizu 30 miliona maraka, fabrika će značajan doprinos dati i zaštiti čovjekove okoline.

U fabriku su ugrađene najmodernije mašine firme "MeWa" koje u zatvorenom proizvodnom procesu vrše dezintegriranje materijala, predmljevenje te granuliranje, nakon čega otpad pretvaraju u novu vrijednost, u novi proizvod.

Naglašeno je da se na području TK-a dnevno stvara više od 500 tona otpada koji uglavnom završava na lokalnim ili divljim deponijama, te je značaj ovog projekta tim i veći. Samo industrija u FBiH godišnje proizvede 2,4 miliona tona otpada, od čega se samo oko 10% kvalitetno zbrine i vrlo malo reciklira i pretvori u novi proizvod.

Nakon uvodnih govora vrpce za svečano puštanje mašina u pogon presjekli su zajedno vlasnik firme "OS Petrol" Samid Braco Osmanović, Bajazit Jašarević predsjednik Skupštine TK i načelnik Općine Srebrenik, Mehmed Bajrektarević. Tom prilikom je istaknuto da Tuzlanski kanton i država sada moraju poraditi na sistemskom rješavanju problema prikupljanja i recikliranja krutog otpada, kako bi se omogućila ekonomska isplativost ovakvih i sličnih projekata.

PREDSTAVLJEN NASTAVAK PROJEKTA „EU LOKALIZACIJA“



SARAJEVO, 24. juni/travanj – Direkcija za evropske integracije (DEI) BiH i Holandska agencija za razvoj SNV danas su u Sarajevu predstavili drugu fazu projekta "EU Lokalizacija" za načelnike općina koje su se kvalifikovale za nastavak projekta.

Predstavnici projekta "EU Lokalizacija" predstavili su prošlogodišnje, kao i aktivnosti planirane za naredni period. Razgovarali su i o početku implementacije E-learning modula koji su rezultat

zajedničkih napora DEI BiH, Holandske agencije za razvoj SNV i Ambasade Velike Britanije u BiH.

Direktorica DEI BiH Nevenka Savić podsjetila je da je prošle godine u projektu učestvovalo 40 općina, a ove godine sarađuje se sa 27 općina koje su učestvovala i u prethodnoj fazi i koje su bile spremne platiti ulaznu kartu za učešće u projektu. Zadatak DEI je da razvija kapacitete lokalnih zajednica. Oni su bitni i u ovoj fazi, jer lokalne zajednice mogu aplicirati u projektima prekogranične saradnje, te u projektima 'Kultura' i 'Evropa za građane', kojem je BiH nedavno pristupila.

U projektu, osim lokalnih zajednica, mogu učestvovati i nevladine organizacije na lokalnom nivou.

"Smatramo da je to veoma važno za sadašnju, a naročito za narednu fazu kada će razne vrste fondova biti dostupnije lokalnim zajednicama i kada će izgrađenost lokalnih kapaciteta doći do punog izražaja", navela je N. Savić.

Prema njenim riječima, proces evropske integracije prožima sve segmente društva. "Neophodno je da se svi uključe u sam proces integracija u skladu sa svojim nadležnostima i mogućnostima. Smatramo da svi moraju preuzeti odgovornost za svoj dio posla u tom procesu. Značaj lokalne zajednice je u to slučaju nemjerljiv, jer su implikacije procesa evropskih integracija najvidljivije u tim zajednicama", zaključila je N. Savić.

HRVATI I BOSANCI TURIZMOM RUŠE GRANICE



BIHAĆ, 23. juni/lipanj – BiH i Hrvatska ušle su u još jedan zajednički projekat pod nazivom "Una- Spring of Life". Projekat ima za cilj razviti turističku ponudu, odnosno umanjiti regionalni uticaj granica, stvoriti integrisani zajednički turistički proizvod, te kroz prekograničnu saradnju razmijeniti iskustva između svih sudionika u prekograničnom području gornjeg toka rijeke Une.

Učesnici, odnosno, partneri u projektu koji je krenuo u aprilu/travnju ove godine, a koji se realizuje na bazi prekogranične saradnje su: Javna ustanova za upravljanje zaštićenim dijelovima prirode Zadarske županije, ZADRA – Razvojna agencija Zadarske županije, Turistička zajednica Zadarske županije, Udruženje "Una", Općina Bihać, Centar za promociju lokalnog razvoja Bihać i Turistička zajednica Unsko-sanskog kantona. Potpisnici projekta su: Delegacija EU u BiH i Hrvatskoj, Zadarska Županija i Općina Bihać.

Projekat će trajati 24 mjeseca i u njega će biti utrošeno 421.000 eura, od čega će se na bosanskoj strani implementirati 222.582 eura.

Projekat će biti realizovan kroz četiri radna paketa: partnerstvo, infrastrukturu, edukacijske radionice i promociju. Kroz infrastrukturni paket biće obnovljene stepeničaste staze i drveni mostovi koji vode do vidikovca i slapova u Martin Brodu, restaurirana kula na starom gradu Ostrovica iznad Kulen Vakufa.

Projekat u Hrvatskoj tretira izvor Une, gdje će se raditi ograde i turistička signalizacija, dok će se sa naše strane to raditi u Martin Brodu. Na Ostrovici i Martin Brodu biće postavljene višejezične informativne table, veliki paneli sa historijskim podacima, prirodnim vrijednostima područja. Također, postaviti će se i 40 malih višejezičnih turističkih usmjeravajućih tabli. Biće izrađena i Strategija

razvoja turizma u prekograničnom području na gornjem toku rijeke Une. Radiće se i na izgradnji ljudskih kapaciteta kroz edukacije jedne i druge strane (izradu web stranice, izradu brošura i promotivnog materijala, letaka). U okviru projekta biće organizirana i studijska putovanja turističkih agencija sa jedne i druge strane, gdje će destinacije na kojima se radilo biti uvrštene u turističku ponudu jedne i druge zemlje.

Projekat će doprinjeti razvoju turizma i jedinstvenog ekonomskog prostora u BiH kroz razvoj zajedničke turističke ponude, a samim tim doprinjet će i povećanju turističke ponude BiH.

Na projektu je od aprila/travnja do danas potpisan memorandum od sporazumijevanju između partnera, te se radi na pripremi dokumentacije vezane za radove na infrastrukturi sa bosanske i hrvatske strane. Urađen je i promotivni materijal, tako da se konkretni radovi na infrastrukturi očekuju najesen.

PANEL DISKUSIJA ZA NOVINARE O IZVJEŠTAVANJU IZ LOKALNIH ZAJEDNICA



SARAJEVO, 23. juni/lipanj – Danas je u Sarajevu, u organizaciji Saveza općina i gradova Federacije Bosne i Hercegovine, a kroz projekat “Razvoj kapaciteta općinskih Saveza (CDMA)” kojeg finansira Sida, održana panel diskusija za novinare na temu „Kako izvještavati iz lokalnih zajednica“. Glavni cilj ove diskusije bio je povećanje interesovanja medija za različita pitanja i probleme lokalnih zajednica. Također, cilj je bio i da se istaknu problemi koje novinari i njihove redakcije imaju prilikom izvještavanja iz lokalnih zajednica, koje probleme imaju predstavnici ovih zajednica u komunikaciji sa medijima, kao i koji su to problemi entitetskih saveza općina i gradova u ovom smislu, kao glavnih zastupnika zagovaranja interesa lokalnih zajednica.

Skupu su pored dvadesetak novinara koji se bave izvještavanjem iz lokalnih zajednica prisustvovali i načelnici općina Jablanica i Bosanski Petrovac.

Moderator skupa bio je novinar **Goran Milić**, dugogodišnji urednik elektronskih i printanih medija, dopisnik iz zemalja širom svijeta, te popularni kolumnista većeg broja časopisa.

Vesna Travljanin, direktorica Saveza općina i gradova Federacije BiH istakla je kako

je u medijskom prostoru potrebno posvetiti više pažnje pitanjima koje adresira lokalna zajednica, pozitivnim iskustvima koja dolaze sa lokalnog nivoa, njihovim uspjesima, ali i problemima sa kojima se suočavaju.

Više od 70 posto potreba građani zadovoljavaju u lokalnoj zajednici, što je pokazatelj njenog značaja, ali je njihova zastupljenost u medijima na neprimjereno niskom nivou.

Goran Milić je kazao da uopće nije protivnik velikog broja općina u BiH, s obzirom da je on dosta veliki u odnosu na broj stanovnika BiH.

"Općina je idealna komunikacija između građana i šire zajednice. Jer, kada bi čovjek tu komunikaciju ostvarivao direktno sa institucijama vlasti na višim nivoima, onda on tu ne bi imao mnogo uspjeha", rekao je Milić. Pozvao je predstavnike medija, entitetske saveze i lokalne zajednice da rade na poboljšanju međusobne komunikacije.

Tokom diskusije učesnici su iznijeli različita mišljenja, među kojima i to da nedostatak međusobnih informacija predstavlja veliki problem.

"Možda i mi načelnici ne razumijemo dobro medije", rekao je načelnik Bosanskog Petrovca Ermin Hajder, dodajući da je tokom svog mandata imao gorkih iskustava sa nekim medijima, koji su o određenim stvarima izvještavali polovično istinito.

Neki od učesnika mišljenja su da bi ovakve seminare trebalo organizovati u samim lokalnim zajednicama, gdje bi se sastali i o ovom problemu razgovarali novinari, dopisnici i predstavnici lokalne vlasti.

"Teško da predstavnici svih lokalnih zajednica mogu zadovoljiti sve kriterije novinarstva", istaknuo je Hajder, nakon što je jedan od učesnika kazao da načelnici i predstavnici lokalnih zajednica slabo znaju iskoristiti vrijeme koje im mediji ustupaju.

Direktorica V. Travljanin poručila je na kraju predstavnicima medija da, ukoliko ne mogu direktno stupiti u kontakt sa načelnicima i predstavnicima lokalnih vlasti, onda mogu kontaktirati saveze općina i gradova i od njih dobiti potrebne informacije.



ODRŽANA ZAJEDNIČKA SJEDNICA DVIJE KOMISIJE SAVEZA

SARAJEVO, 21. juni/lipanj – U utorak 21. juna/lipnja u prostorijama «Centra za podršku biznisu» Općine Centar Sarajevo, održana je zajednička sjednica Komisije za ustavna i zakonodavna pitanja i Komisije za ekonomski razvoj općina i gradova i finansije.

Na sjednici je razmatran veliki broj inicijativa pristiglih iz članica Saveza. Inicijative Općine Bihać za izmjenu propisa iz oblasti ugostiteljstva i turizma (Zakon o ugostiteljskoj djelatnosti u FBiH) i izmjenu propisa iz oblasti poduzetništva i obrta (Zakon o obrtu i srodnim djelatnostima u FBiH), zatim inicijativa Općine Maglaj za izradu Uredbe o načinu prikupljanja sredstava po ostalim načinima finansiranja zaštite i spašavanja od prirodnih i drugih nesreća (Zakon o zaštiti i spašavanju u FBiH, čl. 179.). Također, na dnevnom redu je bila i inicijativa Udruženja pravobranilaca/pravobranitelja u FBiH za donošenjem Odluke o jedinstvenoj evidenciji nekretnina u FBiH, te Nacrt zakona o matičnim knjigama.

Inicijativa za izmjenu propisa iz oblasti ugostiteljstva i turizma odnosi se na izmjene Zakona o ugostiteljskoj djelatnosti u smislu da se propiše mogućnost obavljanja

ugostiteljske djelatnosti kao dopunsko zanimanje. Isto tako, potrebno je podzakonskim aktima obezbijediti kategoriju „seljačkog domaćinstva“ u objektima bez dodatnih preuređenja, dakle, na stari tradicionalan način, bez dodatnih preuređenja i uslova koje važeći propisi predviđaju. Takođe, Općina Bihać predlaže prijedlog izmjena i dopuna Zakona o turističkoj djelatnosti u smislu da se propiše mogućnost obavljanja turističke djelatnosti kao dopunsko zanimanje. Ova potreba je proizašla iz istog razloga kao i potreba izmjena i dopuna Zakona o ugostiteljskoj djelatnosti.

Što se tiče druge Inicijative Općine Bihać, prijedlog za izmjene i dopune Zakon o obrtu i srodnim djelatnostima u FBiH, odnosi se na to da se prilikom usklađivanja propisa obrta i srodnih djelatnosti sa Odlukom o klasifikaciji propiše:

1. da vezane obrte i srodne djelatnosti mogu obavljati i lica koja su stručno osposobljena;
2. da se propis starih tradicijskih obrta svede na one koji to obavljaju na stari tradicijski način (ručnim radom), te da se za iste ne propisuje uslov stručne spremlje, jer se obavljanje obrta uglavnom prenosi sa koljena na koljeno;
3. da se izvrše promjene u obrazovnom sistemu u smislu da se obrazuju kadrovi koji su deficitarni;
4. da se obezbijede uslovi za polaganje majstorskih ispita za sve vrste obrta za koje je propisano da uz isti imaju mogućnost izvođenja praktične nastave.

U vezi sa ove dvije inicijative donesen je zaključak kojim se one u potpunosti podržavaju, te je predloženo Predsjedništvu Saveza da se članice Saveza izjasne da li su za ovakva rješenja izmjena i dopuna ovih zakona i da se u resornim ministarstvima provjeri da li se već nešto uradilo po ovim pitanjima. Općina Bihać se zadužuje da pripremi konkretne izmjene i dopune pomenutih zakona sa obrazloženjima.

Inicijativa Općine Maglaj za izradu Uredbe o načinu prikupljanja sredstava po ostalim načinima finansiranja zaštite i spašavanja od prirodnih i drugih nesreća, iako u odsutnosti predlagača prihvaćena je i predloženo je Predsjedništvu Saveza da uputi dopis Federalnoj upravi civilne zaštite za izradu ove uredbe.

Obrazloženje na inicijativa za donošenjem Odluke o jedinstvenoj evidenciji nekretnina u FBiH dao je predsjednik Udruženja pravobranilaca/pravobranitelja u FBiH Smajo Šabić koji je istakao problematiku nepostojanja jedinstvene baze podataka o nekretninama koje su u vlasništvu općina, gradova, kantona i Federacije BiH. Napomenuo je da je Skupština Udruženja, uzimajući u obzir prisutne tranzicijske procese na polju imovinsko-pravnih odnosa na nekretninama u FBiH, te sve većoj ugroženosti državne imovine, donijela Odluku o nužnosti uspostavljanja registra nekretnina kojim upravljaju ili se nalaze u vlasništvu svih nivoa vlasti u FBiH. Predložio je, takođe, da se izradi elaborat – projekat o stanju nekretnina u FBiH.

Nakon rasprave donesen je zaključak o prihvatanju inicijative i predlaže se Predsjedništvu Saveza da svojim članicama uputi ovu odluku na postupanje i realizaciju. Također, predlaže se Predsjedništvu Saveza da, u saradnji sa Udruženjem, formira radnu grupu eksperata koja bi napravila elaborat – projekat o stanju nekretnina u FBiH, a da Savez općina i gradova FBiH sa ovim projektom aplicira na donatorska sredstva, a koji bi se proveo u pilot općinama.

Što se tiče Nacrta zakona o matičnim knjigama zaključeno je da on može poslužiti kao solidna osnova za raspravu, te je predloženo Predsjedništvu Saveza da svoje članice aktivno uključi u javnu raspravu, čije bi primjedbe, prijedlozi i sugestije poslužili u izradi što boljeg teksta Prijedloga zakona o matičnim knjigama.

Također, u okviru sastanka Smajo Šabić je istakao problem Zakona o izmjenama i

dopunama zakona o parničnom postupku iz 2006. godine prema kome su pravobranioци izuzeti iz prava na naknadu i prava na nagradu u sudskim postupcima, čime su budžeti općina, kantona i Federacije BiH znatno oštećeni. Napomenuo je da pri donošenju Zakona o izmjenama zakona o parničnom postupku nisu konsultirane jedinice lokalne samouprave, te da je Udruženje pravobranilaca/pravobranitelja u FBiH uputilo Vladi FBiH i Federalnom ministarstvu pravde Prijedlog za izmjene i dopune zakona o parničnom postupku. Nakon diskusije, zaključeno je da Udruženje dostavi u pisanoj formi Prijedlog upućen Vladi FBiH i Federalnom ministarstvu pravde i predloženo je Predsjedništvu Saveza da uputi dopis pomenutim institucijama i podrži ovaj prijedlog.

USPJEŠNO ZAVRŠENA OBUKA ZA 12 OPĆINA BIH



Projekt Jačanja lokalne samouprave (SLS) koji implementira njemačka organizacija GIZ u ime njemačke vlade organizovao je obuku u srednjoročnom finansijskom planiranju za 12 partnerskih općina u Sarajevu i Laktašima u periodu od 30. maja/svibnja do 16. juna/lipnja. Obuci je prisustvovalo ukupno 40 učesnika, zaposlenika općinskih administracija i članova općinskih

komisija za finansije koji učestvuju u procesu donošenja budžeta.

Cilj obuke bio je jačanje kapaciteta ovih općina za uvođenje višegodišnjeg programskog i rodno osjetljivog budžetiranja s ciljem implementacije lokalnih razvojnih strategija. U okviru obuke učesnici su se upoznali sa osnovama srednjoročnog planiranja budžeta, kao i metodologijom programskog budžetiranja. Nadalje, bilo je riječi i o povezivanju strateškog planiranja razvoja sa budžetskim planiranjem, mehanizmima mjerenja i praćenja učinka u izvršenju budžeta, te pojmom i instrumentima rodno osjetljivog budžetiranja.

Obuka je održana u dva modula, od kojih je svaki trajao po dva dana. Prvi modul je bio fokusiran na teoretske aspekte i diskusiju, dok je drugi modul sadržavao više praktičnog rada.

Partnerske općine projekta Jačanja lokalne samouprave (SLS) su Gornji Vakuf - Uskoplje, Ilijaš, Kostajnica, Kozarska Dubica, Ljubuški, Maglaj, Modriča, Orašje, Teslić, Vareš, Višegrad i Žepče.

Projekt implementira njemačka vladina organizacija *Deutsche Gesellschaft für Internationale Zusammenarbeit* (GIZ) GmbH u ime njemačkog Saveznog ministarstva za ekonomsku saradnju i razvoj (BMZ).

USVOJENA INICIJATIVA SAVEZA ZA IZUZIMANJE OPĆINA I GRADOVA IZ ZAKONA O FISKALNIM SISTEMIMA U FBiH

SARAJEVO, 1. juli/srpanj – Na Sjednici Predsjedništva Skupštine Saveza općina i gradova FBiH održanoj 14.12.2011. godine u Zavidovićima podržana je Inicijativa jedinica lokalne samouprave u vezi sa izuzimanjem općina i gradova iz Zakona o fiskalnim sistemima u Federaciji Bosne i Hercegovine. („Službene novine FBiH“, broj: 81/09). Obrazloženja za ovu inicijativu su uradile Općina Ilidža, Općina Centar

Sarajevo i Općina Stari Grad Sarajevo.

U obrazloženjima je istaknuto da općine kao organi uprave, u onom dijelu u kojem obavljaju oporezivu djelatnost primjenjuju sve odredbe Zakona o porezu na dodatnu vrijednost BiH i o tome uredno vode evidenciju. Uvođenje fiskalnih kasa u općinama i gradovima bi samo



uticalo na povećanje obima poslova, odnosno administracije lokalnih zajednica.

Uvođenjem fiskalnih sistema u Federaciji BiH žele se postići određeni ciljevi kao što je povećanje priliva prihoda u budžet, evidentiranje PDV-a i sprječavanje utaje istog, sprječavanje prometa falsifikovane robe, uređenje tržišta i dr.

Jedinice lokalne samouprave ističu da bi evidentiranje prometa putem fiskalnih uređaja, nabavka opreme, njeno opsluživanje i obezbjeđenje kadra upravo išlo na teret budžeta, što je suprotno primarnom cilju procesa fiskalizacije – povećanje priliva prihoda u budžet. Federalno ministarstvo finansija prepoznalo je važnost ove inicijative, te je predložilo Vladi Federacije BiH određene izmjene u sistemu fiskalizacije.

Vlada FBiH je na svojoj 12. sjednici održanoj 29.06.2011. godine donijela ODLUKU O SUBJEKTIMA BEZ OBAVEZE EVIDENTIRANJA PROMETA PREKO FISKALNIH UREĐAJA. Navedenom Odlukom, određuju se djelatnosti kod čijeg obavljanja, polazeći od tehničkih i funkcionalnih karakteristika fiskalnog sistema i specifičnosti njihovog obavljanja, ne postoji obaveza evidentiranja prometa preko fiskalnih uređaja, kako je to propisano u Zakonu o fiskalnim sistemima.

Riječ je o djelatnostima javnih zdravstvenih ustanova, organa uprave i upravnih organizacija, pravnih lica koja vrše profesionalnu rehabilitaciju osoba sa invaliditetom i registrovanu djelatnost obavljaju upošljavanjem preko 50 posto lica sa invaliditetom, čiji stepen invalidnosti iznosi najmanje 50 posto, zatim djelatnosti Crvenog krsta FBiH propisane Zakonom o crvenom krstu i druge humanitarne djelatnosti humanitarnih organizacija, udruženja i fondacija koja nisu registrovana za obavljanje privredne djelatnosti.

Federalno ministarstvo finansija zaduženo je da prati provođenje ove odluke te, u slučaju potrebe, interveniše kroz njene izmjene.

ODRŽAN 11. SASTANAK PROJEKTOG ODBORA ILDP-a I ZAVRŠNA CEREMONIJA ZA PARTNERE



U četvrtak, 30.06.2011. godine održan je 11. Sastanak Projektnog odbora Projekta integriranog lokalnog razvoja (ILDP) na kojem je napravljen finalni pregled rezultata ovog projekta, koji je počeo 2008. godine.

Sastanak je otvorio gospodin Armin Sirčo, pomoćnik

rezidentnog predstavnika UNDP BiH sa nekoliko uvodnih napomena o samom sastanku i završnoj ceremoniji, koja je uslijedila poslije.

Gospodin Sirčo istakao je dobro partnerstvo sa Švicarskom agencijom za razvoj i saradnju (SDC), koja je dala finansijsku podršku

ovom projektu. Sastanku su takođe prisustvovali i direktor SDC-a, gospodin Thomas Rüegg, te gospodin Jose Günther, koji će od avgusta/kolovoza 2011. preuzeti funkciju direktora SDC-a.

ILDP je u prethodnom periodu blisko sarađivao sa Savezom općina i gradova FBiH na unapređenju strateškog planiranja na lokalnom nivou u procesu izrade Metodologije za integrisano planiranje lokalnog razvoja i njene primjene u partnerskim općinama, kao i na izgradnji kapaciteta jedinica lokalne samouprave za planiranje i upravljanje razvojnim procesima. U svojoj prezentaciji, gospođa Aida Laković-Hošć, zamjenica voditeljice ILDP-a posebnu pažnju članovima Projektnog odbora skrenula je na tri glavne oblasti iz kojih su postignuti izuzetni rezultati kroz institucionaliziranu jedinstvenu metodologiju za planiranje lokalnog razvoja, ojačano učešće civilnog društva u procesima planiranja na lokalnom nivou, te unapređeno strateško planiranje na lokalnom nivou kroz direktnu podršku.

Na Završnoj ceremoniji za partnere ILDP-a, zvaničama su se obratili članovi Projektnog odbora, kao i Predsjednik Saveza općina i gradova FBiH, gospodin Vlado Alilović, koji je ovom prilikom preuzeo i priznanje dato Savezu kao partneru projekta.



SASTANAK U VEZI POČETKA AKTIVNOSTI NA UVOĐENJU TREZORA U OPĆINI KAKANJ



U srijedu, 29.06.2011. godine održan je sastanak u Općini Kakanj između predstavnika Projekta upravne odgovornosti (GAP) i uposlenika u Službi za finansije i budžet Općine Kakanj. Ovom sastanku prisustvovao je i predstavnik Saveza općina i gradova Federacije BiH.

Općina Kakanj je jedna od deset općina, izabranih od strane GAP-a

da u ovoj projektnoj fazi budu korisnici tehničke podrške u procesu uvođenja trezorskog poslovanja.

Na sastanku je utvrđen Dinamički plan aktivnosti za uspostavu trezora, te su dogovoreni daljnji koraci u ovom procesu. Ovom prilikom, Općina Kakanj je također upriličila sastanak sa predsjednicima Savjeta mjesnih zajednica, koji su se upoznali sa planiranim aktivnostima, te ulogom, pravima i obavezama mjesnih zajednica u ovom složenom procesu.

JAVNI POZIV OPĆINAMA ZA PODNOŠENJE PRIJAVA ZA UČEŠĆE U PROGRAMU "LOKALIZIRANJE GENDERA U FBiH"

SNV Holandska organizacija za razvoj i Gender Centar Federacije Bosne i Hercegovine upućuju poziv općinama u Federaciji Bosne i Hercegovine da izraze interes za učestvovanje u implementaciji programa "Lokaliziranje gendera u Federaciji Bosne i Hercegovine". Program će se, pod pokroviteljstvom UN WOMEN, provoditi u periodu 2011.–2013. godine.

Cilj javnog poziva je odabir 5 partnerskih općina iz Federacije Bosne i Hercegovine. Općinama će se pružiti stručna podrška u uspostavi i jačanju organizacionih struktura, obuci kadrova, definiranju specifičnih razvojnih planova, osnaživanju saradnje sa nevladinim organizacijama i poslovnim sektorom, kao i u pripremi i implementaciji mjera i projekata koji za cilj imaju istinsku ravnopravnost spolova te ekonomsko i političko osnaživanje žena.

Odabranim općinama i njihovim partnerima će se pružiti širok spektar podrške u svrhu osnaživanja struktura koje se u okviru zakonodavne i izvršne vlasti na lokalnom nivou bave pitanjima ravnopravnosti spolova. Ove strukture će biti potaknute da na široko participatoran način pristupe izradi analiza stanja i definiranju planova aktivnosti u oblasti ravnopravnosti spolova. Program će osigurati i određenu finansijsku podršku za implementaciju prioriternih projekata.

Na ovaj poziv mogu da se prijave sve općine u Federaciji Bosne i Hercegovine. Selekcija će biti zasnovana na osnovu:

- Spremnosti općine da provede proces izgradnje organizacionih i kadrovskih kapaciteta nužnih za primjenu principa ravnopravnosti spolova;
- Spremnosti općine da pristupi izradi i implementaciji planova i projekata neophodnih za ekonomsko osnaživanje žena;
- Spremnosti općine da neophodne resurse, u okviru izvršne i zakonodavne vlasti, stavi u funkciju programskih aktivnosti, ukupnog razvoja i postizanja jednakopravnosti spolova;
- Spremnosti općine da ostvari saradnju sa nevladinim i privatnim sektorom radi ostvarivanja ciljeva i rezultata Programa.

Obrazci za apliciranje mogu se naći na web stranici Saveza www.sogfbih.ba.

Prijave je potrebno dostaviti najkasnije do 27.07.2011. godine na adresu:

SNV-Holandska organizacija za razvoj

UNITIC B-11

Fra Anđela Zvizdovića 1

71000 Sarajevo

Za dodatna pojašnjenja možete kontaktirati:

Nasir Nalić, program menadžer, SNV, e-mail: sarajevo-info@snvworld.org, tel. 033 565 641.

Nakon isteka roka za prijave i nakon selekcije svi aplikanti će biti blagovremeno informirani o odabiru. Konačna lista odabranih općina će biti objavljena najkasnije 15.09.2010. godine na web stranicama www.snvbalkans.org i www.fgenderc.com.ba.

NAJAVA OBILJEŽAVANJA DANA OPĆINA ZA MJESEC JULI/SRPANJ

- **08. juli/srpanj - Dan Općine Tomislavgrad.** Naime, tog datuma 1924. godine položen je kamen temeljac za izgradnju Spomen-bazilike u čast 1000. obljetnice krunidbe prvog hrvatskoga kralja Tomislava. Od 1996. godine ovaj dan se obilježava kao Dan Općine Tomislavgrad.



- **20. juli/srpanj - Dan Općine Stolac** koji je određen povodom blagdana sv. Ilije, zaštinika grada Stoca.
- **20. juli/srpanj - Dan Općine Kiseljak.** Ovaj datum ima i



historijski značaj s obzirom da se u Povelji Bele IV iz 1244. godine spominje da je ovaj kralj 20.07.1244. godine darivao Crkvu sv. Mihovila u Borini. Budući da je to najstariji dokument u kojem se spominje mjesto koje je u užem središtu Kiseljaka, taj dan se obilježava kao Dan Općine Kiseljak.



- **26. juli/srpanj - Dan Općine Domaljevac-Šamac.** Obilježava se kao Dan općine zato što je 26. 07. 1996. godine na svečanoj sjednici Općinskog Vijeća Bosanski Šamac donijeta Odluka o utemeljenju nove općine pod nazivom Općina Domaljevac-Šamac.



- **30. juli/srpanj - Dan Općine Glamoč.** Tog datuma 1941. godine prvi put je oslobođena teritorija Glamoča.
- **31. juli/srpanj Dan Općine Trnovo** i dan oslobođenja Trnova 1992.